

INUIT ATAQATIGIIT INATSISARTUNI



UPA2023/102,1

10. maj 2023

Asii Chemnitz Narup

Innuttaasut feeriarnermusiassaasa Sulingiffeqarnermut Inatsit naapertorlugu sulisut sulingiffeqarneranut takussutissiisumik attaveqarfissanut paasisutissat naammattut pigineqarnerinik qulakkeerinninnissamut periusiliortoqarnissaanik Naalackersuisut suliaraqquullugit peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Doris J. Jensen, Siumut)

Oqaaseqaat.

Siunnersuuteqartoq Inuit Ataqatigiinniit isumaqatigaarput, feeriarnermusiqaarnissamut inatsisini malittareqqusat najoqqutaralugit, sulisartut feeriarnermusiassaat tamakkerlutik inummumut pineqartumut tunniunneqartarnissaat qulakkeerneqartariaqartoq – taamaasilluni siunissami feeriarnermusiassat aaneqanngitsoortut pinngitsoortinneqarsinnaalerniassammata.

Siunnersuuteqartup § 37 najoqqutaralugu apeqquteqarsimaneratigut (siorna ukiakkut aamma upernassaq februaarimi) Naalackersuisut akissutaanni erseqqippoq, ukioq 2016-imit ukioq 2020 ilangullugu, feeriarnermusiassat aaneqanngitsoorsimasat 123.298 koroonit aamma 3.382.170 koroonit akornanni amerlassuseqarsimasut.

Naalackersuisut akissutaasiguttaaqq ersepoq Namminersorlutik Oqartussat periaatsinik nutaanik allaffissornikkut atuilersimasut, allaffissornikkut pisariillisaanikkut, ilaatigut periaatsit digitaliusut atorneqalersimallutik, assersuutigalugu e-boks aamma NemKonto.

Siunnersuutip Inuit Ataqatigiinnit tapersorsorneratuulli, taamatut akunnattoorutigitiivarput – ilami Inatsisartut aamma Naalackersuisut akornanni suliassat akisussaaffiillu agguataarneqartarnerat eqqarsaatigalugu naapertuuttuusorinatigu, aalajangiiffigisassatut siunnersuut Naalackersuisut akisussaaffiannut pulanertut isumaqarluta.

INUIT ATAQATIGIIT INATSIARTUNI



Allaffissornikkut eqaallisaagaluaaraanniluunniit feeriarnermusiassanik aallinngitsortarneq siunissami pinngitsoortinneqarsinnaasoq upperiuminaatsipparput.

Siunnersuuteqartoq ugguuna isumaqatigilluinnarparput: Feeriarnermusiat aaneqanngitsoortarnerat oqaluttuaannanngortariaqarpoq!

Allaffissorneq piunnaarlugu isumaqarpugut pissusissamisoornerussasoq Inatsisartut inatsisaata nr. 10-p, 12. november 2001-imeersup allanngortinneqarnissaanut Inatsisartut Naalakkersuisut inassuteqarfigippatigit, qulakkeerlugu sulisartut nutaamik suliffeqalernerminni imaluunniit suliffimmit soraarnerminni ingerlaannaq feeriarnermusiassaminnik tamakkiisunik pisalersillugit, soorluttaaq sulisartunut nunatsinnit nunanut allanut nuuttunut tamanna ullumikkut periarfissaareersoq.

Taamaalilluta Inatsisartut ataatsimiititaliaannut suliarinnittussamut Inatsimmi §21-p tamanut atuuttussanngortinnissaanut misissuataaqqullugu.

Taamatut oqaaseqarluta ataatsimiititaliamut susassaqartumut ingerlateqqipparput, sulilluarnissaannik kissaassiutigaluta.